

Celebra Dia di Himno y Bandera den Centro di Bario Brazil

ORANJESTAD (AAN): Pueblo di Aruba y particularmente barionan di Brazil manera Rooi Congo, Palisiaweg, Seroe Blanco, Butucu, Rooi Master, Mabon, Cura Cabay, Noord Cura Cabay, Zeewijk y Rooi Kochi ta keda cordialmente invita na Centro di Bario Brazil pa celebracion, dia di nos himno y bandera.

Mescos tabata e caso aña pasa, C.B.Brazil ta cuminsa cu celebracion di himno y bandera dia 17 y ta sigui dia 18 di Maart cu weganan popular organiza pa Brazilian Flash.

Dia 17 di Maart ta cuminsa 19.30pm cu e debertido "Hari y ser Hari" caminda cu gruponan invita ta competi

contra di otro den weganan manera mimica, hersengymnastiek y un show comico di 15 minuut (cu e gruponan mester prepara dianan adelanta). Tin 5 grupo invita pa competi y tin lugar pa algun mas. Esnan cu kier pasa momentonan dibertido den Centro di Bario Brazil yama centro y inscribi bo grupo.

Despues di "Hari y ser Hari" pa 24:00 (mei anochi) ta hisa bandera y toca e Himno di Aruba, pa asina celebra oficialmente nos fiesta nacional. E fiesta cultural ta sigui te 2:00 di marduga.



Directiva di C.B.B ta invita henter nos pueblo pa sostene actividadnan y fiestanan nacional di Aruba.

Torneo di Hisamento di Peso Dia Himno y Bandera

ORANJESTAD (AAN): En conexion cu celebracion di Himno y Bandera, Aruba Amateur Weightlifting Association ta organiza nan Torneo di Hisamento di Peso diahuebs 18 maart 2004. Esaki lo tuma lugar na Centro di Bario Noord y ta cuminsa pa 1'or merdia te cu 3:30'or di atardi.


Lo worde hisa den categoria di

senior, hubenil y damas. Varios di nos atletanan ta den training pa cu e competencia aki. Den e competencia aki nos lo haya hisadornan hubenil cu pa prome biaha lo competi cu ta: Angelo Geerman, Bryan Krozendijk, Marlon Aguirre, Johnny Tromp Jr., Jeffrey Maduro. Tambe tin hisadornan cu lo bay trata kibra recordnan nacional.



Otro hisadornan cu nos lo bay wak den accion ta: Johan Farro, Herve Ruiz, Junior Faro, Brian Solognier, John Henriquez, Patrick Vrolijk, Revelino Giel, Michael Bareño, Roger Solognier, Johnny Tromp Sr., Sebastian Suarez, Lismari James, Shanyne Kock, Valerie Figaroa.

Tur fanatico di peso ta keda cordialmente invita pa bin presencia e Torneo Himno y Bandera aki. Entrada ta gratis pa grandi y chiquito.

18 Maart

Asociacion di Pastornan Pentecostal Uni (A.P.P.U.) ta felicita e pueblo di Aruba cu su dia di Himno y Bandera.

Cu Dios lo sigi bendiciona nos isla.

Bendishona ta e nashon cu su Dios ta Señor, e pueblo ku El a skohe pa Su propio erensia. Salmo 33:12

Aruba Pabien a nos Dia Nacional

Himno y Bandera

B.B.Q LALLY'S BAR RESTAURANT

Mayan Dia di Himno y Bandera y tur Diadomingo desde 11:00 am, consisti di spareribs, wings, legs, arroz moro, maishi salada batata, solamente Afl 10,- Noord Cura Cabai 132, Tel: 584-5294, Special, Sabor Unico, estilo Americano, bin purbe pa bo kere, Balashi, Polar, Amstel 2.25, Budweiser 2.50 y Heineken 3,- di mainta te 9:00 anochi.

TELEFONNAN DI DIARIO

582-6747- FAX 582-8551

18 di Maart

Dia di Himno y Bandera

Aruba Dushi Tera

Aruba patria aprecia nos cuna venera chikito y simpel bo por ta pero si respeta.

Refran:
O, Aruba, dushi tera nos baranca tan stima nos amor p'abo t'asina grandi cu n'tin nada pa kibra (bis)

Bo playanan tan admira cu palma tu dorna bo escudo y bandera ta orgullo di nos tur!

Refran

Grandeza di bo pueblo ta su gran cordialidad cu Dios por guia y conserva su amor pa libertad!

Refran



Pabien Aruba



R.E. Yrausquin & Sons N.V.

